

Q. D. B. V!

Lemmata Antiquita-
tum Francicarum,
PRAESIDE
CONRADOSAMVELE
SCHVRFLEISCHIO,
HISTORIARVM PROF.
PVBL.

Disputanda proponet
M. PETRVS CHRISTOPHORVS
SCHEIBLERVS,
ex Montibus Lennepensis

AD DIEM XXVII. SEPTEMBR.
ANNO M. DC. LXXIX.

In Auditorio Maiori.

CVM PRIVILEGIO EL. SAXON.

Disputatio V.

LIPSIÆ, Apud NICOLAVM SCIPIONEM.
clb lbc XCIIX.

THE UNIVERSITY OF CHICAGO

LIBRARY

IN AUSTIN

EXCHANGE

217 N. B. B. B. B.

THE UNIVERSITY OF CHICAGO

LIBRARY

IN AUSTIN

EXCHANGE

217 N. B. B. B. B.

THE UNIVERSITY OF CHICAGO

LIBRARY

IN AUSTIN

EXCHANGE

217 N. B. B. B. B.



I.

Mnes, quotquot de Francorum originibus tradunt, fieri necesse habent, eos primum trans Rhenum confedisse, atque ab his finibus egres- sos, regnum cis Rhenum auspicio ductuque Pharamundi condidisse. Idcirco Prosper horum temporum scriptor verax, et sine dubitatione admittendus, *Pharamundus*, inquit, *regnat in Francia, apud Scaligerum in thes. temp. p. 51. Consensus Prosper Pitheca- nus auctior castigatiorque.*

II. Contra eos constitutus est dux transrhenani limitis, de quo est apud *Trebellium Pollionem in Postumio II.* Haud dubie vero ea fuit occasio *Marchiarum*, quae limitum praefecturae erant, in Germania deinceps coeptarum.

III. Quo Rheni limite postea non recte defenso, ac saepe etiam imprudenter neglecto, Franci in Gallias impressionem fecerunt, et incursionibus Romanos tantisper fatigarunt, dum *Ripuarum*, quae ad Cisrhenaniam II. pertinet, annuente Honorio, ipsis habitanda traderetur, quam deinde ereptam Aetius Romanorum ditioni rursus subiecit. *Prosper Vulsaris in Chron. ad an. 428.*

IV. Qui etiam trans Rhenum suos quoque reges habuerunt, primus tamen cis Rhenum regnavit Pharamundus, quod auctore Gregorio Turonensi colligo *l. 2. b. 1. c. 9.* Is autem historiam suam perduxit ad annum Ch. DXCV. quod constat argumento *characterum*, quos in extremo libri X. ille ipse scriptor nobis suppeditavit.

V. Duo autem hic se offerunt in quibus omne huius rei momentum positum est: alterum adest migratio Fran-

corum, alterum praeberet descriptio illius loci, in quo Rex creatus est Pharamundus. Migratio innuitur verbis, *Tongriam transmeasse*, id est, movisse in Germaniam Cisirhenanam, ubi iacet Tongria, quam sine ratione in Toringia trans Rhenum quaeras. Descriptio continetur sequentibus, *iuxta pagos vel civitates*. Pagi autem civitatesque sub illud tempus non alibi, quam in Germania Cisirhenana extabant, propterea quod ea sola tunc in pagos civitatesque descripta erat, et sola etiam iure Romano regebatur. Cetera Germania, quae trans Rhenum est, sub id tempus inculta prorsus barbaraque fuit, adeo ut ne Germaniae quidem nomine a Romanis appellaretur. Proinde Toringiae, trans Rhenum quippe sitae, non congruunt, quae tradit adducto loco Turo-nensis, ac nullo adeo negotio istud mendum, quod in Epitome Francorum atque Aimoino occurrit, veriori lectionis argumento corrigi potest.

VI. Sicut vero tempora ad imperiorum vicissitudines permultum possunt, ita dispar regum Francorum potestas, neque una et eadem regni illius amplitudo splendorque fuit. Equidem tempore Pharamundi Proceres dignitatem suam ita munitam atque septam tenuerunt, ut reges auctoritate prope aequarent. Significanter Ado Viennenses in Chronico ait. *Primum (Cisirhenanum) regem Pharamundum sibi postmodum statuunt* (pacto potestatem conferunt) *legibusque* (Saliqvis) *se subdunt*. *Legibus* inquit, ut ostendat reges legibus fuisse alligatos, qui non arbitrato suo, sed ex earum praescripto cognoscant, statuunt, iudicent. Quam in sententiam legi possunt LL. *Saliquae l. 41. 57. 59.* quibus regum potestas suis quasi cancellis est circumscripta.

VII. Regum quoque successio Procerum iudicio pondus habuit, populi que assensus valuit, adeo ut Pharamundo vita functo, Clodium eius filium solenni ritu regem crearent. *Vid. epitome gestor. Franc. c. 5. Ado Viennensis in Cbro-*

Chronic. aetat. 6. p. 149. Aimoinus eum successisse tradit, successionem iudicio eligentium temperatam innuens, *lib. 1. c. 4. de gesti. Franc.* Omnino autem Merovaei posterius ius successionis sibi confirmarunt, pleniorēque potestatem habuerunt. Agathias ex versione Christophori Personae Romani haec tradit. *Franci quum optimum degant vitae genus, se ipsos imprimis et proximos quosque pervincunt, et ex parentibus filii regna suscipiunt.* Vnde liquet ratio succedendi, quae ius primi acquirētis transmittit ad liberos posterosque sexu habiles, ab eo tanquam stipite descendentes.

VIII. Eadem successionis causa apud Carolingos fuit, quando eorum filiis regna obvenerunt, testamentaque de his facta, non ad commendationem, sed ad successionis, quae ius primi regis retinet, veritatem valuerunt. Id vero tunc Optimatum honori datum est, ut supremas tabulas assensu suo comprobarent. *Annal. Franc. ad a. 806.*

IX. Inter primae stirpis reges, Francorum famam gloriamque maxime auxit Clodovaeus, victisquē apud Tolpiacum Alemannis, religionis Christianae studio pariter et belli successibus se nobilitavit, et finitimas regiones vel vetigales sibi fecit, vel in provinciam redegit, nec nisi unus Italiae rex Theodoricus his invidiosis rerum progressibus expergefactus est, reliquis tam secure dormitantibus, ut nullus esset tam magna monitionum vis, nullaquē tam efficax propositi metus ratio, quā sopiti suscitarentur. Graves et lectu dignae supersunt eius epistolae, quibus Gundebaldum et Hermanfridum Burgundiae et Toringiae reges ad suscipiendam eius rei curam adhortatur, *apud Cassiodorum Var. lib. 3. ep. 2. 3.*

X. Sed hi reges sive illecebris capti et irretiti, sive quodam fatali somno oppressi, instantium rationes non inibant, quo fiebat, ut bello, quod communibus viribus geri oportuit, impares fierent, periculumque culpa sua maximum

adiret. Mox enim sensit Gundebaldus connubio Chrotildis ex fratre neptis, causam belli a Clodovaeo quaesitam, quod eventus docuit, planeque approbavit *V. Epitome Francorum c. 12. 16. Turonensis l. 2. c. 28. 32.* Vnde plus facis intelligi potest, Clodovaeum per necessitudines eventum Burgundionum regni occasionem captasse, nec spe deceptum Gundebaldo postea victo, tributum pendendi conditionem tulisse, filioque eius Sigismundo Burgundiam Cisaricam extorxisse, reliquam vero ex temporum opportunitate filiis occupandam reliquisse *Vid. Turonensis l. 3. cap. 5. et 6. Pontus Heuterus rerum Burgund. lib. 1.* Hunc tamen cum in temporum rationibus saepe deserimus, tum illud probare non possumus, quod affirmat, Chrotildem pro Sigismundo Gundebaldi filio deprecantem, ut in regni, quo carebat, possessionem restitueretur. Etenim haec femina, quemadmodum ob Christi sacra in Franciam allata vehementer laudari debet, ita nimio ulciscendi studio certe aliquid humani passa, maritum primo, et deinceps filios ad bellum Burgundionum regibus inferendum concitavit. *V. Fredegarius Scholasticus cap. 19. et 34. Turonensis l. 3. c. 6.* Simul hic notamus Adonem Viennensem, qui conturbatis temporum rationibus pleraque de Francis Burgundionibusque tradit, quae ex Prospero Scriptore multo antiquiore licet emendare. Per Sicambriam autem, cuius ibidem meminit, non Troianorum illa, ut Turonensis fabulatur, sed transrhena Teutonum, omni iure est intelligenda. Quae fuit causa Remigio, cur Clodovaeum vocaret Sicambrum, cum eum sacro fonte tingeret, Christoque initiaret, *in epitom. Francor. cap. 15. et Turonens. l. 2. cap. 31.* Neque continuo existimandum est, rerum origines exinde esse petendas, quod uno nomine appellantur, in quo genere Paulus Diaconus aliquanto cautius versatus est, quum de Ansegiso Francorum praefecto ita tradidit, ut facile queat intelligi, eum non ab Anchise Troianorum fuisse ori-

oriundum, etsi ab eo appellatum fuisse, non tam sua, quam aliorum opinione refert, *lib. 6. de gestis Langob. cap. 23.* Is vero vixit etiam inter Francos, Caroloque a Francis Austrasiis orto et huius nominis magno, aliquandiu familiariter usus est, et res originesque Francorum circumspectius expendit. Ac multo ante Procopius eos sine adiectione Germanos appellare consuevit, quos alibi suo nomine, et proprio vocabulo Francos appellavit, tamque plane et dilucide hanc materiam explicavit, ut ad investigandas huius antiquitatis rationes nullis certe commentis in posterum egeamus. *ὁ δὲ Φράγγει οὗτοι, inquit, γερμανοὶ μὲν τὸ παλαιὸν ἀνεμαζοῖτο.* Et ibidem aliquibus interiectis ait. *Λίμναι τε ἐν ταύτῃ, ἃ δὴ γερμανοὶ τὸ παλαιὸν ἀκρητὸ βάρβαρον ἴθι. Θ, ἢ ποτὶς λόγος τὸ κατ' ἀρχὰς ἀξίον, οἱ γὰρ Φράγγει καλεῖται. Γοτθικῶν δέ.* Quae cum idonea ad hanc causam, tum ita manifesta et aperta sunt, ut qui haec non intelligat, a literarum elegantia alienor sit, qui autem, cum intellexerit, negare pertendat, rixosus et pertinax, prorsusque illiberalis habeatur.

XI. Amplius id probo, quoniam non multo post commemorat Procopius, Germanos cum Burgundionibus manus conseruisse. Cuius autem gentis Germani isti fuerint, ipse explicat, luculenterque designat. Opportuna hic et consentiens Cassiodori narratio est *l. 8. Var. ep. 10.* Sub id tempus vero Burgundionum rex fuit Gundebaldus, socius adiutorque antea Clodovaei contra Wisigothos, ut innuit *Isidorus Hispanensis Chron. Gotb. ERA DXLV.*

XII. Regnum illud VVisigothicum in Gallia Narbonensi conditum octoginta octo annis stetit, postquam a Clodovaeo eversum est, quod abunde confirmat Hispanensis. Duo autem hic se offerunt *characteres*, quorum alter ex rationibus temporum sumitur, quem ERA Hispanica apud Isidorum designat: alter ad regionum, quas Geographia docet, descriptionem pertinet, ut fines Gothiae Narbonensis intelli-

ligan-

ligantur. Dabo Sigebertum Gemblacensem, qui Burgundiam Gothiamque tanquam regiones Galliae coniungit, quatenus ea quidem Galliae Narbonensis ambitu continebatur, *ad an. 1109.* Ac Gothiae huius Gallicae praecipua urbs, regni-que sedes fuit Tolosa, urbs antiqua, et collectis tunc Gothorum opibus clara, unde regnum quoque istud appellatum est Tolosanum. Iamque suo aevo scripsit Ammianus Marcellinus. *In Narbonensi (Gallia) clusa (inclusa) est Narbona et Tolosa, quae principatum urbium tenent. lib. XV.* Isidorus Hispalensis subministrat annum destructi Tolosani regni, quem signavit ERA DXXII: quo tempore in Gothia Narbonensi regnabat Alaricus, a Germanis (*Francis*) in congressu victus, ut scribit Procopius Goth. 1. Francorum *epitoma* *stes* praelium Vocladense ad interitum Alarici fatale nominavit, *c. 17. Turonensis lib. 2. c. 37.* Ad postremum *character* iuris publici est in Marchionibus Gothiae, de quibus multa dicere non fert ratio huius instituti.

XIII. Inter causas belli Alarico inferendi religio inprimis fuit, quod Clodovaei exemplum tamen est eiusmodi, ut nostro assensu probari non possit, quandoquidem religio non dat ius inferendi, sed defendendi belli, sive, ut loquuntur in Scholis, ius belli *defensivi*. Contra et sensit et dixit Clodovaeus. *Valde moleste fero, quod hi Arriani (Gothi) partem teneant Galliarum. Eamus cum Dei adiutorio, et superatis redigamus terram in ditionem nostram, apud Turonensem praedicto loco.* Vtunque autem speciosus hic praetextus fuit, nec Remigio, ut ex epistolis ad Clodovacum scriptis colligo, displicuit, Proceribusque pariter et populo Francorum probatus est, exemploque deinceps nocuit, et Carolus M. insuper hoc pietatis simulacrum decepit: tamen hic belli titulus non fuit iustus, propterea quod VVigothi aequae in Gallia advenae erant ac Franci, eodem acquirendi et possidendi titulo nitebantur, nec alteris in alteros ius erat, quoniam

niam Romani, quorum antehac Gallia fuerat, utrisque portiones occupatas reliquerant, et bello pactionibusque iure suo cesserant. Alioqui religio omnino ad defensionem valet, et ratio tuendae libertatis postulat, ut propugnatio, vel vitae fortunarumque omnium discrimine, pro ea suscipiatur. Si enim pro libertate arma sumere divinum humanumque ius concedit, multo magis concedit pro ea libertate, quae nulla in rebus humanis sanctior potiorque est, ut certe illa ipsa aestimatur, quae cum Deo coniungimur, quae libertas *Conscientiae* vocatur. Loquimur autem de iis, qui in tali statu sunt, in quo ius armorum, saltem defensionis causa, lege aut pacto civibus conceditur. Itaque extra hanc quaestionem sunt, qui ita ditioni imperantis subiecti sunt, ut nullam eiusmodi libertatem pacto, aut quavis alia honesta ratione sibi reservarint, sineque exceptione privilegiorum ad parendum sese obligarint. Etenim his rebus fit, ut non sit in statu, veluti vulgo dicunt, *moraliter* habili ad sumenda arma, quatenus id quod naturaliter conceditur, in statu *legali*, veluti obiecto obice, mutatur atque impeditur. Huius autem conditionis homines, quum non in resistendo, certe in emigrando praesidium habent, qui priscis temporibus, quibus Tyranni vexabant ecclesias, crudeliterque vastabant, aut latebant prudenter, aut summa cum ratione fugiebant.

XIV. Hoc autem eo a me susceptum est, ut ostendam militiae sacrae scriptores ad hanc regulam esse dirigendos, qui cum religionis causam et *sepulchri sacri liberationem*, bello in Palaestinam suscepto praeferunt, tum prope a barbaris belli titulo et diuturna possessione se tuentibus, irrisi fuerunt. Hinc *Curbaram* unus ex Sultani praefectis Petro Eremitae et Herluino Palaestinam Christianis reddendam flagitantibus respondit, se suamque gentem Deum-

pariter Christianorum et Christianos averfari: mirari autem, cur Christiani terram, quam effeminatis gentibus abstulissent, suam nominent, reposcereque audent. *V. Gesta Francor p. 20. Nibilo meliores sunt Urbani Pont. rationes, ibidem a principio: Conf. Concilium Claraemontanum, A. 1095. habitum, et Matsbaeus Paris in Wilhelmo II. Conf. Helmondus Chr. Slav. lib. 1. cap. 31. Novissime de militia sacra scripsit Ioannes Molanus, eiusque initium a Clodovaeo duxit. Pudendo autem postea exemplo Gaspar Scioppius inde occasionem sumfit scribendi classicum belli sacri, odio, ut dicere consuevis, erga Reformatos, sed revera non aequiori animo in Protestantes, qui ex praescripto Aug. Confessione emendata sacra integra, nec mutata retinuerunt.*

XV. Bella Clodovaei, quibus potentiam firmavit, breviter attingit Gervasius Tiberienfis *de regno Francorum et eius ortu p. 53.* et pleraque ac insigniora omisit, quem nullo negotio, ex scriptoribus Francorum suppleamus. Ego ea omnia annorum intervallis distincta referam, ac a regno Sueffionum ordiar, quod victo A. 487. Siagrio, in provinciam redegit, et hoc primum fortunae fortitudinisque auspiciu praebuit, *Gest. Franc. Epitom. c. 9.* ubi harum, quas conficio, rationum haud dubium est fundamentum. *Conf. Turonens. l. 2. c. 27.* Hinc a Sueffionibus ad Toringos conversus, regnum id A. 492. vestigale fecit, documento *charakteris*, qui extat in *Epit. Franc. c. 10. et Turon. l. 2. c. 27.* Congruit autem huic instituto, ut verba Turonensis commodè explicentur, quippe quae nihil, praeterquam ius tributarium, Clodovaeo in Toringia acquisitum docent. Serius enim pro ea parte, qua Francis cessit, provincia facta est, *apud eundem lib. 3. cap. 7.* Quae Toringiae conversio incidit in annum 524. prout quidem supputat *Sigebertus Gemblacensis in Chron. ad. d. an.* De industria dico, pro ea parte,

qua

qua Francis cessit: Pars enim quoque in Saxonum ditionem redacta est, ut probant *Eclogae*, quae ex Eginhardo supersunt apud *Adamum Bremensem*, l. 1. b. 1. c. 4. Laxe ergo nimis et per exuperationem *Turonensis* scripsit, Clodovacum, Francorum regem, Thuringos suae ditioni subiecisse. Modus enim interpretandi non potest sibi esse consentiens, nisi quemadmodum iurisperiti suas leges, ita nos antiquitatum capita, ponderatis collatisque diligenti lectione monumentis, temporum eventorumque rationes accurate ineamus. *Conf. Turon. lib. 2. c. 27. et lib. 3. c. 7. Sigebertus ad an. 524.*

XVI. Postea ad Alemannos spectabat, quos arduo ac difficili praelio apud Tulpiacum commissio subegit, quos priusquam vinceret, voti religione se obstrinxit, siquidem Deus, quem coniux sua profiteretur, hoc beneficium sibi praestaturus esset, ut feroces superbique hostes ductu suo vincerentur, *apud Turonens. lib. 2. cap. 30. et Aimoinus lib. 1. cap. 15.* Accidit vero hoc anno post natalem Servatoris quadringentesimo nonagesimo sexto, quem et felix armorum successus et religio salutaris insignivit, et denique occasionem titulumque Christianissimi dedit. Multum ad constituendas huius propositi rationes attulit Clothildis, femina, si ulciscendi cupiditatem excipias, recti amans et pia, de qua ita Aimoinus: *Haec fidelis infideli coniuncta viro, cum ad fidem perducere conabatur, lib. 1. ep. 14.* Nec multo post in praelii discrimine, eius dicta monitionesque identidem in animo reputabat, *lib. eodem cap. 15.* Cum enim iam pugnans rebus suis plane diffideret, in hanc sententiam locutus fertur. *Christe potentissime Deus, quem Clothildis coniux mea colit pura mente, trophaeum meae tibi voveo fidei, tribuas sis bis ex hostibus triumphum victoriae, apud eundem d. l.* Verbis paulo aliis, sensu eodem enarravit Antistes Turonensis l. 2. cap. 30. Non hic omiserim epistolam Theodorici Ostro-

gothorum Regis, quam Clodovaco, quem unum inter omnes finitimos maxime suspectum formidabilemque habuit, post eam victoriam perscripsit, apud *Cassiod. Var. lib. 2. ep. 41*. Fuit autem tunc sacris initiatus Clodovaeus, argumento *gentilitatis*, quam Cassiodorus in exemplum comparationemque mansuetudinis *Christianae* refert. Conturbatae autem ibi sunt rationes temporum, cum epistola haec in A. 508. reiiicitur a Fornetio, Hermanni Contracti auctoritate nixo. Nam anno regni quintodecimo Clodovacus pugnavit cum Alemannis, ut testis locuples est Hincmarus in *vita S. Remigii, Conf. Ado in Chr. p. 161*. Anno autem 481. regnum suscepit, atque adeo secundum accuratas temporum rationes annus 496. respondet. Adhaec congruit iste annus rebus et eventis aliis, quae tanti momenti ponderisque sunt, ut omnino me de sententia Hermanni Contracti deducant. Haud vero aberraverim, si dixero, revixisse tunc in Francia Constantinum M. quando in Clodovaei exemplum ceteri Franci intuebantur, et ducem dominumque auspicato sequebantur.

XVII. Oppressis Alemannis, Burgundionibus bellum intulit, regnumque hoc fulminis more percurrrens, Gundebaldum ad accipiendas vectigalis regni condiciones adiegit, ac deinceps filium eius Sigismundum parte Burgundiae, quae cis Ararim iacet, multavit. *V. Turon. l. 2. cap. 32. Vignier. in Chron. Burg. ad an. 502. 508. et 509*. Alienus hic locus est Cassiodori *Var. lib. XI. in commendatione sui ipsius*, qui mea opinione lucem accepit *ex lib. 8. ep. 10. et scriptore vitae Caesarii Cypriano*. At post Clodovaei decessum, filii eius maiore impetu in Burgundiam tendebant, et anno 526. afflictis Burgundionum rebus, priscum regum familiam debebant, regnumque in potestatem ditionemque suam redigebant, *Vid. Turon. l. 3. cap. 5. et 6*. In quo regno LL. Gundebal-

baldicae, quæ et Gundebadae dici solent, ad memoriam posteritatis insignes sunt, in quibus *Romani* appellantur Galli indigenae, qui Romano iure utebantur: *barbari* autem agri cultores, qui inter *Romanos*, quoad Gallia Romanis imperatoribus parebat, in pari conditione degebant, postea autem, quam Franci depulsis Roman. Imp. praesidiis, in Gallia regnabant, meliori loco esse coeperunt, Romanisque aequati, quin imo et praelati fuerunt. *Vid. LL. Burgundionum et LL. Saliquae, speciatim Saliquae t. XLIII. l. 1. et 8.* Ex dictis, opinor, explicari potest locus apud Turonensem lib. 2. cap. 33. *Burgundionibus leges mitiores instituit, ne Romanos opprimerent.* Pertinentque huc, quod scriptum est in *congesto Traditionum Boioar. Praefatus Dux (Theodo) tradidit Romanos, et eorum tributales mansos* (Hubas * sequiori aevo appellarunt.)

XVIII. Aquitaniam, sine qua Clodovaeus regni fines tutari non poterat, anno 507. occupavit, victorque reversus Turonos adiit, ac inde Lutetiam perrexit, regni que Franco-galliae sedem anno 508. ibi collocavit, quae continua, quamlibet diversae stirpis, successorum serie ad haec tempora usque permansit *V. Turonensis lib. 2. cap. 37. et 38. Ado Viennensis p. 165. et 169. Aimoinus lib. 1. c. 16.*

XIX. Cum tot tantaque pericula sustinuisset, et superiores etiam difficultates omnes composuisset, pauci, nec magnae potentiae reguli, Agrippinensis et Cameracensis delendi restabant, quorum alterum per insidias occidendum curavit, alterum armis devictum captumque, securi in capite eius defixa, interfecit. *Turonensis lib. 2. cap. 42. et 43.*

B 3

XX.

* De differentiis *Hubarum* vid. Coccius in Dagob. p. 178.

** Hanc postea eripuit Eudo, et vindicavit Carolus Martellus, Buffier. hist. Fr. lib. 3. p. 206, 213. Conf. Iodoc. Sincer. Itin. append. cap. 11.

XX. Iam tota fere Gallia, praeter Arelâtenſem, Maſſilienſem, Narbonenſem et Noveinpopulanam, potiebatur Clodovaeus, quum per codicillos, ab Anaſtaſio Graeco-Romano imperatore miſſos, COS. et Auguſtus ritu memorabili ac ſolenni eſt renunciatus, *apud Turonenſem l. 2. cap. 38. et apud Adonem Viennenſem in Chron. p. 169.* Qui conſulatus alius aliquid excellentiusque denotavit, quam is quidem communiter denotare ſolet. Primo, quia cum titulo Auguſti, qui nemini COSS. attributus eſt, coniungitur, *Aimoinus lib. 1. cap. 22.* Deinde, quia cum utroque titulo allata, ſunt Clodovaeo regni inſignia, *tunica blaſea* (purpurea) *chlamis et diadema, Turonenſis d. l. et epiſt. geſt. Franc. c. 17.* Tum quia Fredegarius eminentiorem dignitatem indicavit, *cap. 110.* Ad poſtremum, quia eventus comprobavit, *Patriciatu hoc Romano* Francos poſthac viam ſibi muniviſſe, ad patrociniũ (*advocatiã*) et ſupremum Romae ac totius Italiae dominium acqviendum, *V. Ann. Franc. Pitbocan. ad an. 801. Monachus Engoliſmenſis ex recenſione eadem p. 233.* Vbi nomine *patricii character* ſublimioris dignitatis ſignificanter eſt expreſſus, ſiquidem veram accuratamque interpretandi rationem inimus.

XXI. Multa praeterea Clodovaei merita in rempublicam Sacram extant, praefertim quum bello Gothico deſunctus, iam maiorem Galliae partem in ſua poteſtate tenebat. Quod, ſicut plerique tradunt, Remigius, cum de ultimis cogitaret ac diſponeret, praeclare teſtatum fecit, atque his conceptis verbis plane et luculenter deſcripſit. *Cum duabus villis, inquit, quas Ludovicus (Clodovaeus) a me ſacro baptiſmatus fonte ſuſceptus, amore nominis mei, Biſcofheim ſua lingua vocatis, mihi tradidit.* Quibus duo indicantur, quorum alterum linguae Tevtonicae uſus Francorum origines a Tevtonica gente arceſſendas coſummonſtrat, alte-

alterum eiusmodi est ut ostendat, Clodovaeum, quamlibet a vero patefactoque Deo alienum, beneficia ipsi tribuisse, mansuetudinisque et liberalitatis exemplum regibus dignum praebuisse. Quod utrum fecerit Clodovaeus integritate et sanctitate Remigii permotus, an ab uxore Clotilde persuasus, an ad conciliandos per eum indigenarum animos civili instituto adductus, meum non est definire. Mox autem Remigius, interiectis quibusdam, ipse affirmat, Clodovaeum nullo veri Dei sensu praeditum sibi donasse, *cum adhuc paganus Deum ignoraret, ad proprium tradidisse. V. Testamentum Remigii apud Flodoardum.* Quod tamen eiusmodi est, ut Remigii temporibus non congruat, et fabula seculi IX. a simplicitate aevi Merovingici discernatur: praeterea a modestia Remigii abhorret, et ritum inaugurationis regiae a Merovingis alienum complectitur, omnique iure in suspicionem confictae antiquitatis vocatur. Refert hic nostra, ut conferantur *Turonensis lib. 2. cap. 31. et Aimoinus lib. 1. cap. 16.* Quare aliud testamentum eruit Ioannes Bollandus, nec multo post emisit Chiffletius, de quo alibi sententiam dicam.

XXII. Praeterquam autem quod religionem prope oppressam in libertatem vindicavit, sacerdotiaque et sodalitates religiosas beneficiis ornavit, id quoque vel inprimis ad gloriam veteris Clodovaei profapiae spectat, quod *monasteria*, quae dicuntur, *exempta*, posteris ipsius originem certe in Francia acceptam ferant. Quod docent tabulae Clodovaei II. Clotharii III. quibus haec talia *exemptionis* privilegia perliberaliter sunt concessa, quorum multa ex tenebris eruit Hieronymus Bignonius, Vir, cum viveret, inter omnes populares facile doctissimus. * Dicuntur autem *exempta*, quod

* *Vsu veterum Francorum huiusmodi privilegium dici solitum est praeceptum immunitatis V. Aimoinus lib. 3. cap. 2.*

quod Pontifici, nullo interiecto, obnoxia sint, de quibus copiose disseruit *Bernhardus Abbas Clarevalensis* in eruditis et pietatis pariter prudentiaeque causa legendis libris *de consideratione ad Eugenium Pontificem*. Cum autem mihi in mentem venit, quamobrem pleraque monasteria iuri et potestati Episcoporum subtracta fuerint, tum recordor, duo fuisse cumprimis, quae tali instituto causam occasionemque darent. Primo enim pars religionis ultimorum regum erat, ut sana aedificarent, monasteriaque cumlarent, rati, si quidvis admisissent, hoc modo expiatum iri. Documento sit Sigismundus Burgundionum rex non Arianus, qui cum filii sanguine manus inbuisset, pro superstitione illorum temporum noxae isti expiandae suffecturum putabat, si Divis Agaunenſibus extructum ab se monasterium dicaret. vid. *Turonens. lib. 3. cap. 5. et Aimoinus lib. 2. cap. 4.* Ex eadem causa tot *donationum, dotationum traditionumque* formulae et instrumenta passim, maxime in Francorum monumentis extant. * Deinde fanorum conditores id dabant, ut mori memoriaeque locorum, quae religiosis sodalitatibus designata sunt, ut monasteriis ibi ab se institutis privilegium libertatis ab Romano Pontifice impertiretur. Docent hoc tabulae *exemptionum*, quae petentibus regibus, tanquam *monasteriorum fundatoribus* privilegium hoc datum concessumve testantur. Superiori seculo in Concilio Rothomagensi statutum decretumque est, ut monasteria hoc privilegio nixa, non tenerentur interesse conciliis, nisi ad illuc veniendum iure consuetudineque obligarentur, prout Gregorius XIII. qui tunc Romanae sedi praefuit, dubitantibus super ea re Patribus respondit. *V. acta huius Concilii 1581. habiti.* Illud vero laudi tribuendum est monasteriis, quod eruditionis

* Regum liberalitatem multi et opulenti homines secuti sunt, ut ecclesias quoque heredes insisterent, *V. Turonens. lib. 7. cap. 7.*

nis monumento conſervarunt , et multis inſuper extruendis amplificandisque urbibus occaſionem dederunt, ut res actaque priſca Gallo Belgica paſſim oſtendunt , et noſtræ quoque gentis antiquitates confirmant. **

XXIII. Simul et a Chriſtianiſ Francorum regibus coceptæ ſunt decimæ, quarum primordiã alii ab ultimis barbaræ et non Chriſtianæ Germaniæ temporibus capiunt , ſpecioſoque titulo defendunt. Inter quos eſt luſtus Lipſius, vir, ſi quisquam alius, Romanæ antiquitatis peritiſſimus, qui Taciti locum in hanc ſententiam adducit. Extatis in *libro de ſen et mor. Germanorum cap. 15.* Nihil vero ibi proditum eſt de decimis, neque ullo argumento id conficias, quando ratio verborum poſtulat, ut longe diverſum, *conferendi* genus intelligatur, moſque colligendi decimas, ad alia tempora referatur. De cetero ſeqviorum temporum liberalitas ſicut alia multa, ita et ius exigendi decimas *Monafteriis* conceſſit, quorum bene multa in VVeſtphalia ſunt, quæ etiamnum hoc iure utuntur. Spectatque huc ſanctio Friderici II. Imp. *V. Conſtitut. Sicul. lib. 1. tit. 6.* Nihil vero hic addam de immunitate tributorum benignitate Childebergi *Monafteriis* conceſſa, apud *Turonenſem lib. 10. cap. 7.*

XXIV. Moribus ceteroqui Francorum, quos *Merovingos* vocant, nothorum ſucceſſio valuit, quod documento eſt, eos perinde, ac reliquos Germaniæ populos, Romanis legibus non fuiſſe uſos. Exemplum eſt multo luculentiffimum in Theoderico Auſtraſiæ rege, quem Clodovæus M. non ſuſcepit ex toro legitimo, neque tamen id impedivit , quo minus regnum Franciæ Orientalis ei tanquam natu maxi-

C

mo

** Etiam monafteria quondam cuſtodiae ſerviebant, *V. Turon. l. 5. cap. 14. Annal. Fr. ad an. 752. 818.*

mo attribueretur. *Iteque Turonensis ex Turonense explicandus, lib. 2. cap. 28. cum lib. 3. cap. 1. collat.* Illud autem postero tempore sensim mutatum est, quum Franci disciplinis moribusque magis exculti, non eodem deinceps loco numeroque legitimos et *naturales* habuerunt, *Vid. Aimoinus lib. 4. cap. 1. et Eginhardus de vita Car. M. cap. 33.* Atque ex hoc capite Hugo Capetus regni Francogalliae invasor, malaeque fidei possessor arguitur, quod cum is neque virilis, neque sequioris sexus ratione ex legitima Carolovingorum stirpe descenderet, tum regnum nihilominus Franciae Carolo Duci Lotharingiae praeripuisset, eumque iure agnationis fraudasset, et nulla primi acqvirentis ratione habitam indigne insolenterque usurpasset, *V. Sigeb. Gemblacensis ad an. 987. 988.*

XXV. Saepe etiam antiquo Francorum instituto usu veniebat, quod regnum per signum militare hastamque tradebatur, atque his modis dominium eius transferebatur. Proinde Guntheramnus, tradita Childeberto hasta, dixit. *Hoc est indicium, quod tibi omne regnum meum tradidi, apud Turonensem lib. 7. cap. 33. conf. Aimoinus lib. 3. cap. 68.* Quae fictio iuris in LL. Saliquis identidem occurrit, et festucae signo denotatur. Hinc orta est formula, IN LAISVM IACTARE. LL. *Salig. t. 48.* * Ad haec regna suscepturi Clypeo quoque altius tollebantur, quod eo spectabat, ut novi reges hoc pacto in possessionem mitterentur, qualesque inaugurarentur. Hinc Turonensis, *plaudentes,* in-

* *Misso in possessionem per festucae Symbolum dicta est ADEATOMIA. Simul hoc cursim adicio de tintinnabulis Francorum, maxime Austrasiorum, quorum usus erat in re rustica, et finis pertinebat ad equos in piscuis dignoscendos, Vid. Aimoinus lib. 3. cap. 82.*

plaudentes, inquit, tam palmis, quam vocibus eum clypeo ede-
ctum super se regem constituunt, lib. 2. cap. 40. Vid. et Aimoi-
nus lib. 3. cap. 10. Nulla enim tunc regum inauguratio ritu
unctionis peragebatur, atque hinc est, quod apud Graeco-
Romanos veteri atque usitato more dicebatur, *καταλὺς τῆς*
σκαρίας καθίσθης.

XXVI. In his cogitationibus defixo periucundam mi-
hi memoriam renovat adoptio, cuius exemplum Turo-
nenfis nos transmisit, eximioque et fide digno testi-
monio confirmavit, quando narrat, Childebertum his
verbis adoptasse Theodebertum. *Filios non habeo, te*
tamquam filium habere desidero, lib. 3. cap. 34. Quam-
in sententiam interpretatur hanc formulam *Aimoinus lib.*
3. cap. 28. Alioqui *per arma* fieri consuevit adoptio, prae-
sertim inter gentes barbaras, argumento regis Herulo-
rum hunc in modum adoptati, *apud Cassiodorum Var.*
lib. 4. ep. 2.

XXVII. In extremo fert occasio, ut aliquid de su-
scepto arbitri munere adiungam, quo ita perfunctus est
Theodericus, Ostrogothorum in Italia rex, ut Francos inter
Gothosque amicitia conciliaretur. Ratio compositionis
haec fuit, ut legatus Clodovaci tantum pecuniae in satisfac-
tionem acciperet, quantum hastae a terra in altum subla-
tae longitudinem exaequaret, *apud Aimoinum lib. 1. cap. 20.*
Providebat Theodericus, quorsum evasura esset aemuli re-
gis acerbitas, proque rerum Gothicarum statu consilia capie-
bat, ac sine monitore etiam intelligebat facileque iudicabat,
haud longissime ab exitio abesse Alaricum, quem servare,
quidem cupiebat, tuendumque suscipiebat, atque ut iactura
opum se regni que securitatem redimeret, hortabatur. Sed

iam tum veteris regum finitimorum, ad quos id pertinebat, animos occupaverat, fatoque ita datum videri poterat, ut Clodoveus toti Galliae imperaret.

